


كلمني عربي



تقديم (١ - ٣)

عندك إيه؟
(مفردات)

١- اقرا وكّرر مع المدرّس:



هيّ عندها أصحاب؟ هيّ عندها ساعة؟ هيّ عندها زميلة هيّ عندها جيران؟

/ زميل في الفصل؟

أيوه، عندها أصحاب أيوه، هيّ عندها أيوه، عندها زميلة أيوه، عندها جيران.
ساعة. في الفصل.



٢- بصّ للصورة وكّرر مع المدرّس:



هو عنده إيه؟
هو عنده صداع.

هو عنده إيه؟
هو عنده كحة.

هو عنده إيه؟
هو عنده حرارة.

هو عنده إيه؟
هو عنده برد.

الوحدة الأولى



٣- النفي

بصّ للصورة وكرّر:



هو عنده أصحاب؟

لا، هو ما عندوش أصحاب.



هو عنده ساعة؟

لا، هو ما عندوش ساعة.



لاحظ القواعد:

السؤال	الجواب
عندك أصحاب؟	أيوه، عندي أصحاب.
هو عنده إيه؟	لا، ما عنديش أصحاب.
	هو عنده برد.

القاعدة:

عند + اسم

النفي: لا، ما + عند + ش + اسم



عندي	ما عنديش
أنا	أنا
عندي	ما عنديش
إنت	إنت
عندك	ما عندكش
إنتي	إنتي
عندك	ما عندكيش
هو	هو
عنده	ما عندوش
هيّ	هيّ
عندها	ما عندهاش
إحنا	إحنا
عندنا	ما عندناش
إنتو	إنتو
عندكو	ما عندكوش
همّ	همّ
عندهم	ما عندهمش

كلمني عربي



النطق

لاحظ النبر:

عندي



ما عنديش



عندها



ما عندهاش



(النبر دائماً على المقطع الأخير مع النفي)

اسمع المدرّس وحدّد النبر:

عندي - عنده - عندنا - عندها - عندكو - عندهم - عندك -

ما عنديش - ما عندوش - ما عندناش - ما عندهاش -

ما عندهمش - ما عندكوش - ما عندكيش

الوحدة الأولى

التدريبات

تدريب (١ - ٣ - أ (١))

اكتب عنده - ماعندوش (الكلمة الناقصة).

- | | |
|----------------------|---|
| ١- هو كمبيوتر؟ | ١- لا، هو ما ش كمبيوتر. هو عربية. |
| ٢- هي أصحاب؟ | ٢- أيوه، هي أصحاب. |
| ٣- إنتو فيلا؟ | ٣- لا، إحنا فيلاً. إحنا بيت. |
| ٤- هم تليفون؟ | ٤- أيوه، هم تليفون. |
| ٥- إنت جيران؟ | ٥- لا، أنا جيران. |

تدريب (١ - ٣ - أ (٢))



١- اسمع وقول الكلام عن أنهى صورة.

٢- اسمع مرّه ثانية وقول:

- أ- أحمد عنده أصحاب؟
ب- علي عنده أصحاب؟
ج- أحمد عنده صاحب من أنهى بلد؟



كلمني عربي

نص الاستماع لتدريب (١ - ٣ - أ (٢))

أحمد	علي
- أهلاً يا علي، الحمد لله. إنت عامل إيه؟	- أهلاً يا أحمد، إزيك؟
- أنا في مدرسة إنجليزي اسمها مدرسة السلام. وإنت؟	- الحمد لله كويس. إنت في مدرسة إيه؟
- آه، وعندك أصحاب في المدرسة؟	- أنا في مدرسة فرنساوي.
- عندك أصحاب من بلد تاني؟	- أيوه، عندي أصحاب في المدرسة.
- لا، أنا ما عنديش أصحاب من بلد تاني. عندي أصحاب من مصر بس.	- أيوه، عندي صاحب فرنساوي وأسترالي وياباني. وإنت؟
- إن شاء الله، مع السلامة.	- طيب أشوفك بكرة تاني؟
	- الله يسلمك.

تدريب (١ - ٣ - ب)

اسأل زميلك وكمل الجدول. استعمل الكلمات اللي تحت.

الاسم	السن	عنده - عندها	ما عندوش - ما عندهاش
١-			
٢-			
٣-			
٤-			
٥-			

الكلمات:

صداع - عربية - كتاب - أصحاب - زميل - تلفزيون - تليفون - فاكس -
كحة - فلوس في البنك - برد - قاموس بالإنجليزي - حرارة

الوحدة الأولى

تدريب (١ - ٣ - ج)

كل طالب يختار خمس صور. كل طالب يسأل زميله عن الصور التي اختارها (عنده إيه؟ - ما عندوش إيه؟).

